



**TERTIB ACARA KEBAKTIAN MINGGU
GKPS P.BULAN-RESORT POLONIA MEDAN
Minggu Kantate, 02 Mei 2021**



TOPIK: "Sagala na Marhosah Mamuji Tuhan"

Live streaming: www.gkpspadangbulan.com/tv

Tata Ibadah: <http://www.gkpspadangbulan.com/tatib>

1. *Votum – Introitus – Tonggo*

Riap ma hita jongjong!

Ibagas goran ni Naibata Bapa, pakon Tuhan Jesus Kristus ampa Tonduy
Napansing Sitompa langit pakon tanoh on. Amen.

Dodingkon nasiam ma Jahowa, puji ma goran-Ni; ambilankon nasiam ma
hatuahon-Ni, ganup ari! Haleluya, Haleluya, Haleluya.

K.(mandodingkon) Haleluya, Haleluya, Haleluya.

P.Martonggo ma hita!

Ham Tuhan Jahowa, na dob pamonangkon hanami humbani kuasa ni sibolis
pakon hamateian. Marolob-olob do hanami mumuji goran-Mu na pansing in.
Banggal tumang do pambahenan-Mu, mambahen dihut hanami parsimada bani
hamonangan-Mu janah panean bani hagoluhan na sadokah ni dokahni. Tonduy-
Mu Na Pansing in ma na marmaloi hanami, ase lambin ididah hanami haluahon
na hum-Bamu janah totap hanami marhaporsayaon hu Bamu. Hu Bamu ma
isombahkon hanami puji-pujiannami panorang on sonai homa sadokah
goluhnami. Puhoi ham ma uhurnami ase tongtong ihagoluhkon hanami holong
na pinaondos-Mu in marhitei goluh na marparsaoran pakon hasomannami
jolma. Urupi Ham ma hanami ase parsimada janah ibere hanami dirinami bani
horja kemitraan, na gabe dalam-Mu mamasu-masu hanami kuria-Mu. Bani
ibadah pakon pangidangionnami sadari on, goran-Mu ma na marsangap. Ibagas
Jesus Kristus Tuhannami, ipadas hanami tonggonami on. Amen. (*hundul kuria*)

2. *Mandoding 402. Puji ma Naibatanta (1-2)*

1. Puji ma Naibatanta bai ianan Na PansingNi in, Bai paratas hamuliaonNi in
Haleluya, Haleluya Puji ma Naibata.

Pasangap ma goranNi halani pambahenanNi in, ampakon hagogohonNi in
Haleluya, Haleluya pasangap Naibata
Pahata ma tarompit ge arbab pe, irandu pakon gondrang husapi pe
Irik homa sarunei ge sordam pe, sonai ampakon ogung marolol bei
Puji ma rumbuk ma baen parhata ni parugas in
Sombah ma marhiteihonni doding na lurlur ijin

2. Puji ma Naibatanta Sipargogoh na tarsulur in, Parsimada harajaon in
Haleluya, Haleluya Puji ma Naibata
Pasangap ma goranNi, ale ganup na marhosah in, Ningon rup ma mamuji ijin
Haleluya, Haleluya Pasangap Naibata
Pahata ma tarompit ge arbab pe, irandu pakon gondrang husapi pe
Irik homa sarunei ge sordam pe, sonai ampakon ogung marolol bei
Puji ma rumbuk ma baen parhata ni parugas in
Sombah ma marhiteihonni doding na lurlur ijin

3. *Hasasapan ni Dousa*

P. Riap ma hita jongjong!

Ibagas toruh ni uhur pakon gok panolsolion, roh ma hita hubani Tuhan
parholong in. Martonggo ma hita mansopotkon dousanta:

Ham Tuhan Naibata Bapanami paridop ni uhur hubani jolma pardousa. Domma
iberehon ham Anak-Mu Jesus Kristus gabe jolma anjaha manaron hahirion
ampa hadoyukon, pala matei tarsilang laho mangkopkop hanami anjaha mulak
manggoluh, naik hu nagori atas laho mangapiti hanami. Marhiteihon ni ai patut
do namin hanami mamakei idop ni uhur-Mu in laho pataridahkon holong-Mu
bani goluhnami i dunia on. Tapi hotop do lang taridah buah na madear bani
pargoluhonnami na gabe tanda ni na dob ipaluah janah ihopkop Ham hanami.

Ham Naibata parholong atei, untkab Ham ma hauhuronnami, ase boi ididah
hanami aha sihorjahononnami i tongah-tongah ni kuria-Mu. Ham Naibata
parholong atei buka ham ma mata ni pingkirannami, ase boi hanami gabe juak-
juak na marguna i tongah-tongah ni kuria-Mu. Ham Naibata parholong atei
buka ham ma tangannami, ase margogoh hanami laho mangidangi kuria-Mu.
Tarpuji ma Ham Naibata Sisada-sada in, Napansing anjaha Naibata na

manggoluh. Holong ma Ham Tuhan, tangihon Ham ma tonggonami on janah sasap Ham ma dousanami marhitei Jesus Kristus Tuhannami. Amen

Tangar anjaha haporsayai hita ma Hata ni Naibata, bagah-bagah pasal hasasapan ni dousa. "Tapi Naibata, domma ipatar holong ni uhur-Ni ai banta, aima marhitei na matei Kristus mangkopkop hita, sanggah pardousa ope hita. Ase lambin maluah ma hita nuan, humbani ringis in marhiteihon-Si, dob ipintori hita ibagas daroh-Ni ai."

Ibagas holong ni Naibata, domma isasap haganup dousanta. Halani ai, pataridahkon hita ma tanda-tanda ni pargoluhon na bayu. Hasangapon ma bani Naibata i babou.

P+K Amen.

(hundul kuria)

4. Mandoding 149. Ham Sipagoluh Au (1+2+3)

1. Ham Sipagoluh au parayak Ham au on.
Sai ulang Ham mandaoh humbagas uhurhon.
Roh Sipagoluh roh tongon, baen Ham au Anak-Mu tongon
Bani daroh-Mu usah au, putih songon bunga ma au
Putih tongon, putih tongon,
bani daroh-Mu usah au, putih songon bunga ma au.

2. Gogoh ni daroh in, patorang bangku on
Tonduy pargoluh in, manogu au tongtong
Roh Sipagoluh roh tongon, baen Ham au anak-Mu tongon
Bani daroh-Mu usah au, putih songon bunga ma au
Putih tongon, putih tongon
Bani daroh-Mu usah au, putih songon bunga ma au

5. Refleksi Kemitraan

P. Bermitra aima marhasoman. Na marhasoman somalni sapangahapan do bani malas ni uhur sonai age bani pusok ni uhur. Bermitra mararti dihut mangahapkon ganupan pengalaman ni goluhni hasoman. Dong do sada tulisan humbani sasahalak hubani hasomanni sanggah tarsosak hasomanni ai nini:

Ham na hinaholongan, hasomanku, saninaku!

Hubotoh janah huidah do. Huidah do sonaha perjuangan ampa kerja kerasmu mandompakkon na borat bani goluhmu. Huidah do sonaha halojaonmu bani na manlopusi na borit in, taridah do in humbani panonggormu, loja songon na hurleh do ham halani na masa in.

Huahapkon do sonaha ham loja, borat, ampa manaron na borit in. Tapi ulang moru atap gabe magou semangat humbani dirimu.

Tongon tantangan, paruntolon ampa persolaan nuan on sedo hal na urah, janah lang na hampung in, tapi banggaltu janah borattu do ra pangahapmu mandompakkon ganupan in. Mangarou ampa manaron hita do ham tongon pambaen ni ganupan in. Gabe patubuh lungun ni uhur janah sipata ra do songon na punjung pangahapmu.

Ra do homa tubuh sungkun-sungkun ibagas uhurmu, andigan do ujung ni on janah sonaha dob ni haganupan on? Tubuh ma uhur gobir ampa biar halani galek ni pardagingon. Tapi dingat ham ma, lang pitah sahalak ham mandompakkon in. Dong do ahu, pakon hasoman na legan na gabe hasomanmu.

Lobih ni ai, jolom ham ma gomos hata ni Tuhanta in: "Ulang ho mabiar, ai Ahu do Sipaluah ho, domma pala hudilo goranmu, Ahu do simada ho. Anggo ibontas ho bah, Ahu do hasomanmu, bani na mandipari bah banggal seng ayubkonon-Ni ho. Anggo mardalan ho hubagas apuy, seng anjai mosog ho, anjaha seng matutung ho bahenon ni gara apuy (Jes.43:1b-2).

Itongah-tongah ni buei ketidakpastian na masa ampa na sihol masa, on ma na gabe panotap banta. Ase na marhasoman, bermitra, ampa na marhasadaon on hita boi ma namin hita lambin marsitungkolan, marsipatoguhon ampa marsipardiateian aima ma tandani na dob marhorja hata ni Tuhan banta. Ase boi rap maluah hita, rap manjalohon pasu-pasu ni Tuhan bani ganup pargoluhanta. Roh ma hita tongtong hubani Tuhanta in. Rap pakon Tuhan ma hita manoruskon goluh on. Ihasomani janah ipargogohi do hita tongtong manlopusi ganup na masa. Seng anjai

tandingkonon-Ni hita. Halani Bapa na bujur do la, janah hasoman bani ganup langkah ni halak na marondos Bani. Haposi hita ma la bai goluhta on.

Mari berjuang bersama, mari maju bersama. Salam kemitraan ma banta haganupan. Amen

6. **Hata Haporsayaon**

P : Riap ma hita jongjong!

Saksihon hita ma haporsayaonta in, songon na sinaksihonni haganup halak na porsaya i sab tanoh on.

P+K: Ahu porsaya bani Naibata Bapa, pargogoh na so tarimbang, na manompa langit pakon tanoh on.

Ahu porsaya bani Jesus Kristus, Anak ni Naibata na sasada in, in do Tuhanta, na tinubuhkon ni si Maria sanggah nape haliaban, marhitei Tonduy na Pansing, na manaron na parngit, bani panorangni si Pontius Latus, iparsilangkon, matei anjaha itanom, turun hu nagori toruh. Mulak manggoluh humbani na matei bani ari patoluhon. Naik hu surga anjaha hundul i siamun ni Naibata Bapa, pargogoh na so tarimbang in. Hunjai ma la mulak magira, manguhumi halak na manggoluh pakon na dob matei.

Ahu porsaya bani Tonduy Na Pansing, bani kuria parsadaan na mapansing in, parsoran ni sagala na mapansing in, bani hasasapan ni dousa, bani parpuhoon ni angkula, pakon bani hagoluhon na sadokah ni dokahni. Amen.(hundul kuria)

7. **Tingting + Tonggo Pangapition**

8. **Mandoding 264. Sada Do Na Porlu Bangku (1+3)**

1. Sada do naporlu bangku, Jesus bere Ham ma au
Atap aha do nadong bangku, seng na boi pasonang ahu
Ge arta ge sangap, ganup habayakon,
seng boi in mamboban au bai hasonangan
Ai anggo madapot nasasada in,
sai malas uhur hu hinorhon ni in

3. Si Maria usihanku manangihon hata-Mu
Sihol ma, ale Tuhanku, hundul au ilambung-Mu
O Jesus Tuhanku, pasada uhurhu

Paluah ma au humbai ganup dousangku
Sai Ham ma ompungan ni ahu tongtong
Sai Ham ma manggoki uhurhu tongtong

9. **Ambilan: Psalmen 150:1-6**

10. **Manggalang (Agenda GKPS Model A)**

(Sada kantong galangan untuk Dana August Theis GKPS)

- P. Paima iondoskon hita galanganta, tangar hita ma lobei hata ni Naibata na gabe onjolan banta laho manggalang, ai ma tarsurat bani: Jona 2:10, "Tapi anggo ahu marhasoman sora puji-pujian do ahu manggalang Bamu, galaronku do na dob hubagakon. Bani Jahowa do haluahon." Sonari ondoskon hita ma galanganta.

1

Jiwaku ingin bernyanyi,
serta tubuhku menari-nari,
o, menunjukkan sukacita
'tas kasih Tuhan kepadaku.
Haleluya 'ku 'kan memuji Tuhanku,
'kan kunyanyikan selamanya,
dendang, ceracap, atau gong serta rebab
akan 'ku tabuh membesarkan nama-Nya.

2

'Kan 'ku tiup sangkakala
atau seruling dengan rebana,
o, 'kan 'ku mainkan kecapi
memuji Tuhan Mukhalisku.

3

Pantun, syair dan seloka
akan 'ku cipta akan 'kugubah,
o, jadi nyanyian yang indah,
memuji Tuhan Mukhalisku!

10. Tonggo Galangan - Tonggo Panutup – Pasu-pasu

P. Riap ma hita jongjong!

Martonggo ma hita! Ham Tuhan Naibata Bapanami, pardear layak janah na unjah hu bannami. Tarimakasih ma hatahononnamu hu Bamu, halani tongtong do ipasu-pasu Ham goluhnamu. Domma ihasomani hanami janah ipasu-pasu Ham horjanami das hubani sadari on. Sonari ibagas malas ni uhur roh do hanami mangondoskon buah ni horja na dob pinasu-pasu-Mu in gabe galangan hatarimakasihon pakon puji-pujiannami hu Bamu. On pe sai jalo Ham galangannami on, bahen hasangapon ni goran-Mu janah ase lambin marhataridahan harajaonMu i dunia on. Ibagas goran ni Anak-Mu, Jesus Kristus Tuhannami, jalo Ham ma tonggonami on. Amen.

K. *(mandodingkon)*

Huondoskon bani Jesus haganupan diringkon
Ia do pasangaponku sadokah bai goluhkon
Huondoskon ma, huondoskon ma.
Bani Jesus Sipaluah, huondoskon ma.

P. Ham Bapanami na i nagori atas. Sai na papansing ma Goran-Mu.

Sai roh ma harajaon-Mu. Sai saud ma harusuh ni uhur-Mu i nagori tengah on songon na i nagori atas. Bere Ham ma bannami sadari on hagoluhan ari-ari. Sasap Ham ma dousanami songon panasapnami bani dousa ni hasoman na mardousa dompak hanami. Ulang hanami bobai Ham hu parlajouan. Paluah Ham ma hanami humbani pangagou...

K. *(mandodingkon)* Ai Ham do simada harajaon pakon hagogohon ampa hasangapon sadokah ni dokahni. Amen.

P. Laho ma nasiam, janah “Sonon do hata ni Jahowa Zebaot, dalankon ma uhum na sintong, patuduhkon ma dear layak ampa idop ni uhur bani ganup hasoman”

Jalo ham (hita) ma pasu-pasu humbani Tuhan Naibata:

Ipasu-pasu anjaha iparorot Tuhan Naibata ma ham (hita). Isondangkon Tuhan Naibata ma bohi-Ni hu bamu (hu banta) janah maidop ma uhur-Ni mangidah ham (hita). Idompakkon Tuhan Naibata ma bohi- Ni hu bamu (hubanta) janah ipasorap ma damei-Ni bani tonduymu (tonduyta bei) Amen.

P+K. *(Mandodingkon)* Amen, Amen, Amen